

اداره مرکزی :

آنقره ده ، استانبول جاده سنده آنقره
معارف امینکی پاشنده کی دائرة

استانبول بوروسی :

استانبول ده ، باب عالی جاده سنده ۸۷ نومرولوده
دائرة محصوره

حیات

حیات دایما حیات... دنیا راها جوق حیات قاتالم!...

نسخه سی هربرده ۱۰ غروردر

سنه لکی بوسته ایله ه لیرا .
(اجنبی مملکتلر ایچین ه دولار) .

ایوه وعلان ایشلری ایچین استانبول بوروسه
مراجعت ایدیلیر .
یازی ایشلرینک مرجعی آنقره مرکزدر .

صافی : ۲۶

آنقره ، ۲۶ مایس ، ۱۹۲۷

۱ نجی جلد



(حیات) ک ایلمک آلتی آبی

حیات (۲۶) نجی نسخه سیله ایلمک آلتی آبی
بیتیرمش اولوبور . کله جک نسخه ایله ایکنجی
جلده یاشلا یوروز . شوقیسه جق ماضینک محاسبه سی
مجموعه اطرافنده طویلانان آرقاداشلری تشجیع
ایده جک ، حیاتک نشرینه توسط ویاردیم ایده نلرک
نه خبرلی برایش کورمش اولدقلرینی کوسترمکه
کافی کله جک ماهیتده در . (حیات) ک نشری
دوشونولدیکی زمان مجموعه وغزته جیلکده تجربه سی
اولدیغنی ادعا ایده نلرک مطالعه سی شواولدی :
« بویولده بر مجموعه قاره بولاماز . چونکه هنوز
مملکتده جدی مجموعه لری تعقیب ایده جک قاره
یوقدره کچن آلتی آبی بوبدین ذواتی تماماتکذیب
ایتدی . « حیات » ، تورکیده جدی مجموعه لره
شیمدی به قدار هیچ نصیب اولمایان درجه ده
اوقویوجی بولدی . بو تجربه کوستریوردی که
تورک کنجلیکی جدی اثرلره ، جدی یازیلره
صوصامش بروضعیتده در . الویریرکه اونلرک
علاقه لرینی دعوت ایده بیله لم ، الویریرکه اوقوتمق
ایسته دیکمز یازیلر (قاره) ک دوشونجه سنه یکی
برشی علاوه ویا هیچ اولمازسه ، موجود قناعتی
تقویه ایده بیلمش ، حرکتنه معین بر استقامت
ویره جک ماهیتده اولسون .

« حیات » چیققدن صوکرادیکر برسوالده
مسلکنه عاؤدی . ایلمک نسخه ده مجموعه نکه نه
ایچون چیقدیغنی یازمشدق . فقط بونی مبهم

بولانلر واردی . شوکچن آلتی آبی (حیات) ک
مسلکنی هرکسه آکلاتمش اولسه کرکدر .
بوندن صوکراده عینی یولده متانت وامینتله
یورومکده دوام ایده جکز . تورک انقلابنک اک
مهم هدفی شدید وقوتلی برحیات یاراتمقددر .
کوکلریمیزی جوق زمان دنیا ماوراسنه ربط
ایتمک یوزندن حقیقی حیاتک قدرتی دویمادق .
بیلمک بر صیقینتی وعذاب ؛ یاشامانک ، هم ذوقنی ،
همده ناصیل بر جدال ایله ، بر ثبات ایله ممکن
اولاجقنی کوستردی . (حیات) اک مهم قوتی
ومسلکنک استقامتنی ، بر طرفدن تهلمکه
وصیقینتی ، دیگر طرفدن اک قوتلی عزم واراده
دوری اولان استقلال جدالندن واونک ویردیکی
حقیقی درسلدن آلیبور .

بزجه استقلال حربی دوره سیدرکه مملکتته
مدنی حیاتک معنوی جبهه سنی اوکره تمشدر ،
کوردک که جدالده ، یاراتماده ، خلاصه یاشاماده
اصلی عنصر عمل واراده در . فکرلرک اراده یی
تقویه و عملی زنکینلشدر دیکجه قیمتی واردر .
او دورک تاریخنه باقیکمز ، جوق زمان اراده
وفعل ایله هیچ علاقه سی اولمایان « مجرد مفهوملر »
صرف یاشامق ضرورتنک ذهنلرده وجوده
کتیردیکی شخصی وجانی فکرلره چارپیشدی .
وزمان هرکسه اثبات ایتدی که حقیقت بو
ایکنجیلرده مندمجددر . فکرلر عمل واراده یی
تنویر ایچونددر ، تقویه ایچونددر . دوغرو فکر
جانی وقوتلی حیات یاراتان ، طبیعتنه و دیگر
انسانلره مؤثر و ساری اولاندردر . فکرده
انقلاب ، حیات ایله علاقه سی قالمامش اولان مفهوملری
آتمقدن باشقه بر شی دکلدر . علم ، عملی تنویر
ایتدیکی ، طبیعت اوزرنده کی قوتلمیزی آرتیردینی
نسبتده مثبت اولور . ایشته « حیات » فکر

ساحه سنده بواساسلری مدافعه ایلمک ایسته دی
و بوندن صوکرده اونی مدافعه ایله جکدر .
بزم دستورمنز شودر :
انسانی یاشایش آنجق عمل و حرکتک
فکر و علم ایله تنویر ایدیله سنه مستنددر . بناء
علیه بر طرفدن اراده و حرکتک کور کورینه
یول آلماسی مضرددر . اونک ایچون هر حقیقی
انقلابک فکر و علم جبهه سی واردر . دیکرجه تندن
فکرلر حیاتی ضعیفلشدیرر ، اراده یه انکل او .
لورسه حقیقت ایله علاقه سی یوق دیمکدر .
اونک ایچون انقلاب بوتون قناعتلری ییقق
مجبوریتنده در . کنج مفکوره لرک دوشونوش
طرزینی ، دماغی تربیه سنی بو اساسلره استناد
ایتدیرمک ایسته یوروز .

بو آلتی آبی ظرفنده حیات ستونلرنده
جوق مهم مسئله لرک اورتایه قونولدیغنه قانغز .
کوپریلی زاده فؤاد وشکیب بکلرک مناقشه لری
تاریخ ایله حیات آراسنده کی مناسبتنه تعلقی
اعتباریله جوق دفته شایاندی . جانب بکل
صنعت اثرلرینک حیات ایله ، عرفان ایله مناسبتنه
طائفه فکرلری ، عمومی براشتیاقی افاده ایدیوردی .
بن بو مقاله لر حقنده آغزدن برخیلی اعتراض
دیکلهدم ، بعض یازیلرده کوردم ، اعتراف
ایده رم که بونلرک مهم قسمی جوق معناسز بولدم .
« سز برمصراع یازامادیغکمز حالده نه حقله شعر
وصنعت حقنده بر فکر سویله یور ، بوکون شعر
دیه اورتایه قونولان یازیلری تنقید ایدیورسکمز ! »
ده ینلر وار ، جانب بکل مقاله لری بویوک برکتله نکه
آرزوسنی کوستریوردی . او مقاله لر صنعتکارک
عرفان احتیاجنی پک اعلا اورتایه قویمشددر .
کنج شاعرلریمز بونک اوزرنده دوشونمک
مجبوریتنده درلر . ذاتاً اطرافنی دیکلرلرسه عینی



۷

فلسفه و حکمت

زمانه‌تک سلامتی نه حیاتک یکی بر حنده ، نه هر هانکی یکی بر دینده اولایوب ، واضح و صریح آ کلامه ده در . بودنیایی یالکز کرچکی آ کلامق ده کیشدر بر . عیسانک غرب بشریتی بر زمانلر یکی بر طرز محبتله دیکشدرمه سی او زمانک بسیقولوزیک شیطلری داخلته بوحس ایله الکردن بر آ کلامه بی تجسید ابتدکننددر . آ کلامه اولامهیدی حسک یالکز باشنه بویوک مسافله قطع ایتمه سته امکان یوقدی . حسلر سرائت طریقله انتقال ایده بیلدیکندن محدود بر ساحه بی اصلا آشامن . هر زمانده کرچک اولان بو شی زمانزده بسبتون کرچکدر . چونکه بو کونکی روحی بنیه‌تک مرکز ثقلی آ کلامق ملکسناک ایشیدیلهمش اویانیقلفنده در . زمانزده شدله سرعت محتاجدر . آ کلامق ، بالخاصه بو کونکی شرائط روحیه ده حسدن جوق دها قابل انتقال اولدیفندن مطلوب سرعت آنجق اونکله تأمین ایدیلبله جکدر . الیوم ذهنی وادیده حقیق متوسطر قوجامان جلدلرک مؤلفلری دکل ، غزته جیدر . جوغمز اونی بکنمه مکله نظر دقتدن دور طوعادیفیزی ظن ایده رز . فکرمنک بوخصوصه کی قباحلی سطحیکنی بوندن دها ابی هیچ بر شی اثبات ایتز . حال بوکه بوزمانده اک مؤثر فکری واسطه غزته جیدر . اسکی قوجه مان کتابلری ذوقله اوقویه جق زمانی اولانلر پک آزدر . بیلیمکه لایق شیلر بلله تیلیمک ایچون آرتق اک آ کلاشیلش و اک معنیدار برشکلده ویریلک اقتضا ایدیور . بو حال ، قارئلرک بسیطلکنی دکل ، بلکه یوکسک انکشاف ذهنیلرینی کوسترر . موضوعی ایکی کله ایله آ کلاتان محرر ، تفصیلاتیه کلال ویریحی محرردن مطلق یوکسکدر . نرده قالدی که غزته جیلق استعدادی اساساً بر مادونلق علامتی دکلدر ؛ بوتون بویوک حکومت رجالی بلا استثنا کومه لری مطبوعات واسطه سیله قولانغی صنعتنده ویرتوتوز اولش و زمانه‌تک اک قابلیت لیده لرلی هب غزته جیلقدن یتیشملردر . غزته جیلق استعدادی حد ذاتنده وجیز ، دوغری و مؤثر بر طرزده مرام آ کلامق ملکسیدر . درین معنایلر آراسنده اک مؤثر اولانلرک هر زمانده وصفلری بوندن باشقه نه در ؟ بونلر واقعا غزته جی دکل ، فقط «sur-Journaliste» دیلر . هر دورک مرشدی ، زمانتک معناسنی اک آبی تمیل ایده ندر . مثلاً : عیسا ، لائوتسه ، هر اقلیت و نیمچ بونلر

دندیلر . زمانزده کی سرعت شرائطندن اولانجه آجیق کوزلیلکه استفاده ایده ن شیرلره قارش اییلک ساحه سنده مهم نتیجه لری آنجق بوجایده غزته جیلر

تأمین ایده بیلر . دنیایی یالکز معرفت قورتاره بیلیر زعمیه فلسفه سیستملرنک استقباله کی انکشافه ، دهادوغریوسی قوجامان جلدلره منتظر اولانلر قناحاله آلدانیورلر . چونکه بوقیل اثرلر تاریخی نوبتلرینی صاومش اولدقلری ایچون کیندکجه اهمیتلرینی قایب ایدیورلر . بوندن بویله سحرکار سوز سویله بیلجکلره مالزمه حاضر . لامقدن عبارت بروطفه لری قالیور . نظریه‌تک مرجع اولدینی دور ، معنائک تقدیر ایدیلهدیکی دوردی . بوکون ایسه اصل ایستنه شی معنا و بونک قوه‌دن فعله کتیریله سیدر . بو عبارتله زمانه‌تک قبله سی علم دورینک قبله سی اولقدن چیقهرق باشقه بر قبله اولشدر . صوک و طیفه من اشته بو نقطه‌تک تشریحی اولاجق .

بونک ایچون اولدقجه کریلره رجوع ایده رک نظریه‌تک اهمیتنی یکی بر نقطه نظرندن ملاحظه ایتک لازمدر . ترقی مسئله سنی مناقشه ایده رکن کورمشدک که فکرلر (۱۹) نجی عصرک ظن ابتدکی کبی فکر اولدینی ایچون تاریخ یاییور دکلدر . فکرلرک عملی مؤثریلری آنجق جانیل شأنیاتی تمیل ایتله رله در . «دوغان دنیا» جانیل شأنیترله کوره تگون وتکامله محتاج اولدیفندن کچن عصرده نظریه‌تک نظریه اولارق حائر اولدینی اهمیت و نفوذ آرتق قالمشدر . یته کم (آینشتاین) ک اضافیت نظریه سی خلق شعورینه ایلک دوشدیکنی زمان انقلابی اهمیتندن زیاده بر اکلنجه محاوره سنک دیکشدریله سی گبی بر تأثیر یابدی ویالکز فیلسوفر بر قاق دفعه نظریه‌تک تماماً صحیح اولدینی فرض ایدیلکی تقدیرده حقیقه فوق العاده انقلابکار بر ماهیتی اولوب اولمادیغنی آرا رنده دانیشدیلر . حیاتی نقطه نظرندن باقلنجه خالق طرز مقابله سی دها حکیمانه ایدی . چونکه (آینشتاین) نظریه سی واقعا علمک مفکوره سی اولان اک صحیح مفهومه بزنی بالنظریه ایصال ایدیه ده دنیایه و کندیزه بالفعل انطباقده بو صحت تماماً اهمیتسزدی . کذا (قورنیک) فرضیه سی ظن ایتدیکمز نظریه قادار صحیح اولامه بیله بالفعل صحیح اولدقدن صوکر الیه مقبولدر . بر مثال دها : حرب عمومینک عاقبتلری آجیجه کوسترمشدرکه ، سرمایه جی حکومتله سوسیالیست حکومت آراسنده کی فرق برنسپ اعتباریله پک جزئیدر . چونکه سوسیالیست اداره‌تک تطبیق ایدیلکی بوتون برلرده یاییلان یکی نظام ، خصوصی ملکیت اشتیاقلرنک نظاهرلری ایچون یکی بر اساس و تصادف یارانقدن باشقه بر شی اولمادی . بو تجربه اثبات ایدیورکه ملکیت شرطلرنک دریندن ده کیشدریلوب یکیدن یاییله سی اول باول تملک شخصی انشیاقنک دیریلکنی قایب ایتمه سته متوققدر . بو دیریلک موجود قالمقجه خارجی نظامک دیکشمه سنده هیچ بر اهمیت اولیور . بو ایکی مثال کوستریورکه بر فکرک هبانه

کجیلیمسی روحمنک یالکز سطحه معناسی ایتسیدر اولایور . روحک تماماً معنویشمه سی معنایه نفوذ ایتمه سته متوققدر . اک معنوی فکر ، مجموعه حیانه

تک بر معناسی اولان یعنی یالکز باشنه حیاتی دولدوران فکردر . بویله اولمایوب ده حیانه باشقه بر یری ده عینی زمانده دولدوردینی کورولورسه روحک دها درین بر طبقه سی اولدیفنه برنسپ اعتباریلر حکم اولومسی لازمدر . معنایی بولق و معنویشمک ، بو اک درین طبقه قادار حلول ایتکدر . مجرد ایده آلیم باشلی باشنه هیچ بر حیات یابه ماز . مکرکه دها کنیش بر کل اولان معنوی ره آلیمک بر جزئی اوله . (قانت) فلسفه سنده ضمناً مندیج اولان مذهبده بودر . معقولاندن باشلا یوب صرف معقولانله یتیره ن بر ایده آلیم تاریخ و حیات یایق ایچون تام دکلدر . تحققی ایتک ایستنه بر ایده آلیم همه حال حیاتک معناسنه قادار نفوذ ایتکه مجبوردر . بونی سویله مکله روحیات واجتماعیاتی قالدیروب یرینه یالکز فلسفه بی اقامه ایتک ایستدیکم آ کلاشیلهمه سین . مقصدم بونلره استناداً فلسفی بر نقطه نظره قادار یوکسلمکدر . چونکه بو یاییلمادقجه روحک اک درین منطقه لرینه نفوذ ایدیلهمه یوب سطحی قالدیر . ساده جه تجربی طریق ایله الیه ایدیلش بر نظریه بوتون معنوی شأنیاتی احاطه ایده من . ذهنک نظریه لر یاراتان قدرتلری معنوی شأنیته یالکز بر جزئی در . ذهنی بنیه من ، منحصرأ معقول و مجرد بر حاله تحققی ایده بیلن شأنیترک تنویر اولونمه سیله قانغاز ، شأنیته مختلف جهتلرنک ده آیدینلاماسنی ایتر . کرچک اولاییلر veritable اولق باشقه کرچک vraie اولق باشقه در . مثلاً (آینشتاین) و یکی ثوقلید نظریه لری بالنظریه کرچکدر ، فقط بالفعل کرچک دکلدرلر . بونک ایچوندرکه کائناتک یالکز بالنظریه ایضاحی روحلری هیچ بر زمان تطمین ایتمه مشدر .

اک یوکسک و مجرد تجربه لره واصل اولق ، حیاتک معناسنی آ کلامه دکلدر . معنا ، هر ذی حیات موجودک اک درین شأنیاتی در . بر کوزمرئی اولان عالمک شأنیاتی ناصیل بداهتاً کورورسه آیدین روحیلرده معنایی بویله کورور . بالنظریه نه دینیرسه دینیرسین عالمک مرکزی بالفعل ، انساندر . چونکه بوتون ملکله لریمز انسان ایچون چالیشمقده در . کائناته بو کوزله باقلرک قبله سی مطلقاً بشری بر غایتجیلکدر . بونک خارجنده کوروش بالنظریه حقیقی اولاییلر ، فقط بالفعل کرچک اولاماز . انسانلر نظریه جی اولمازدن اول یاییلیمجی اولدقلری ایچوندرکه دنیاتک ایضاحی شرطلرنک انناقص اولدینی دورلرده بیله معنایی آ کلامه قوشمشلر و بوندن بویله ده عینی شیئی یابه جقلدر . بوتون آفاق حقیقتلر بزنی آنجق بداهته ایصال ایدوب دها اوتومه سته کونوره من . بونلر حدسی بیللکیه واصل اولق ایچون قلب راحتلی تأمین ایده جک وقفه لر دن فضله برشی دکلدر .

بوراده علمک آفاق نقطه نظرنک وضع ایده جکی مسئله شودر : عجمعنائی قاورامق ناصیل ممکندر ؟ .. عصری فلسفه علمیه‌تک اک بویوک عملی اولان (قانت) ه

باقارسه ق کورورز که بوراده بوتون شایست، مدرکه نک کنیدی قانونرله یابدینی بر اثر در . نم معنا دیدیم شی بو فلسفه ده تصور لر : idées ، یاخود قیمتلر و یاخود متعال بر « واجب » در . حال بوکه (فانت) ک دوغروون دوغرویه دکل ده بالنظر واصل اولدینی معنای حیات، که اونک تعبیرله بر « امر قطعی » و یاخود « وظیفه » در . حقیقت حالده حدس ایله قاورانان الکاسکی وابتدائی بر معطای معنویدر . آراده کی فرق ایکنجی آلدن قاورامق برینه برنجی آلدن قاورامقدن عبارتدر . عصری فلسفه علیه نک بو طریق اختیار ایتسه نظریه جیلکک غلبه سندن یعنی **ایضاح سدر احتیاجی** ننددر . ۱۷

نجی عصر دینبری بو احتیاجک نه قادر حاکم اولدینی بکن مقاله لرده کوسترمشدک . عصری فلسفه نه نهایت الهایه حکمت : sagesse یا عیش ، بالکز بونی ایضاح حاده سندن کچیرمکه و بونک بر محصول کی کوسترمکه مجبور اولمدر . حال بوکه حکمت ، علمک ممکن اولان بوتون حاصله لری آراسنده کی مناسبتلری ایضاح ایتز ؛ فقط یک طبیعی اوله رق یعنی حدس ایله کشف و احاطه ایدر . چونکه او ، عصری فلسفه کی حیات و کائناتی انسانک خارجه جیه رق یعنی صابه بولدن کیده رک ایضاح ایده جکنه من القدم اونک ایچندن کچر رک قاورامدر . چونکه اونجه الک مهم نقطه ، شخصیتک فعالیت یعنی یارایجیلیق مرکزینی بولق واوندن حرکت ایتکدر . بو نقطه نک بولونه سیله درکه حیات تماملانه رق بکیاره بر روح اولور .

« دوغان دنیا » به یکی بر معنوی حمله آنجق حکمت شکنده بر فلسفه ایله ویرله بیلیر . چونکه بودنیانک جانلی ، ذکی فقط سطحی انسانلری بوکته رک دیکشدریمک آنجق بونکله ممکندر . علم و ساده جه فلسفه علیه انسانلرک درین هویتلری بر طرفه بر اقارق حادثه لر و خارجی تظاهره لرله اکثفا ایدر . بالکز حکمتی فلسفه درکه بر نسپ اعتباریه انسانک الک درین هویتی مرکز طامیش و بوتون قوتی بو نقطه نک کشفنه تکشیف ایتمدر . واقعا حدس ، یابدینی کشفلری منطقله نادراً اثبات ایده بیلیر ؛ فقط اثباتدن زیاده تأثیری استهداف ایتدیکندن مشروعیتی نتیجه لریله قازانیر . حکمت ، اساس اعتباریه نظری دکل ، حیاتی و عملی بر ساحه ده چالیشیر . بونک ایچون ایلاک مرحله سی معرفت نظریه سی دکل عقل سلیمدر . صوک مرحله سی ده نه مجرد بر مبحث وجود ، نه ده بر حقیقت مطلقه اولمایوب عناصرینک شائی مناسبت و متقابل اهمیتلری دائره سنده قاورامش کرچک بر حیاتک حدسیدر . حیاتک کوکی « معنا » اولدیفنه و علم ده بونی نظردفته آلامدیفنه کوره علم = حکمت معادله سی صورت قطعی ده ملقا بولونیور . باشقه بر تعبیرله علم ، کیتی ؛ حکمت کیفیتی استهداف ایتدیکندن آرازانده هیچ بر زمان معادلت اولمایه جقدر . علم ، ایضاح ایدیچی ؛ حکمت ، یارایجی بر اقتداردر . یکی بر حیات ، یکی فکرلر بولقله دکل ، یکی بر معنائک ات و قانه قاریشدر بر یاسیله یارایله بیلیر . فلسفه ، دین ، حکمت ، سیاست و الخ

تسمیه ایتدیکمز بو کوزهل شیلرک هیچ بریسی کندیلکلرندن مؤثر اولماشلردر . بونلری ات و قانیله یاشایانلر اولما سیدی هیچ بری بر شایست اولامازلردی . بوبوک نک بر آدامک نظریه لردن فضله ایش کورمه سنک سری ایفته بو نقطه ده در .

••

یکی بر حرک آنجق درین بر معنایه نفوذله آجیله بیلرک کنی سوبله مکله سلامتک یکی بر مذهب ویا نظریه دن کله جکنی اصلا قصد ایتیمور . بوامیدی بسله یلر وضعیتی باشند آشانی فنا آکلیورلر . امین اولما کی علمیا نظری دور بر دیا عودت ایده میه جک صورتده حکمتی اجرا ایتمدر ؛ چونکه اونک انسان روحی صورت تلقیسی جوق دار ویک اختصاصی ایدی . او حالده که روحک بوتون درین ملکه لری باصق آلتنده قالارق بر درلو سبلکینوب کندینه کلامه مشدی . بوکونک وظیفه سی بوزیک و قبصلمش روحی سبلکک و یکیدن کندینه کتیرمکدر . بو وظیفه یی بالکز باشنه حکمت ده یابه ماز . زمانمک احتیاجی ،

معنایه تمامیه ارمش و بونی ات و قانیله یاشایه جق جانلی بر **هکیم** le sage در . فقط حکمت ناصیل اکتساب ایدیلیر ؟ تعلیمه می ، یوقسه طبیعتک موهبه سیله می ؟ هرشی کی بوده اهلنه مراجعت ایدیلرکی تقدیرده یک اعلا تعل اولونه بیلیر . حکیمک اصل حالت روحیه سی اوتدنبیری یا کیش ظن ایدیلرکی کی مطلقا حلم ، مسامحه کی اوصافده اولمایوب قبله سنک دوغرولق و احواله مطابقده در . اولکی مزیتلر حکیمده هم بولونه بیلیر ؛ همه ده بولونماییلیر . چونکه اصل فارق صفتلری بونلر دکلدر . تکرار ایدیورم : حکیمک اصل حالت روحیه سی معنوی قبله سی تمامیه تام صیره سنده کشف ایتکدر . بونده موفق اولدقن صوکرا تفرعاندی کی قصور و خطالر دائما تصحیح اولونه بیلیر . اساساً

معنای آکلامق ، یعنی معنوی قبله یی بولق ، ده کیشدیریچی بر اقتدار آله ایتکدر . بونک قارشیسنده نه قادر محکم قبله لر اولورسه اولسون ایرکچ ده کیشمکه محکومدرلر . زیرا روح ؛ اساس اعتباریه معنوی بر عضویت اولدیفندن انتخاب ایده جکی ده درین بر معنویت اطرافنده بالاراده یکیدن تعضوایده بیلیر . قبله سنک باطل اولدیفنی آکلادینی دقیقه ده روحک انحلال ایتمه سی قابل دکلدر . پسقو آنالیز تجربه لری و (آلفرهد آدلر) [۱] ک Individual psycho- logie تسمیه ایتدیک (فردی روحیات) ی بو جهتی بالخاصه اثبات ایتمدر . فی الحقیقه نه وروزلرک معضله لری پسقو آنالیز سایه سنده خسته نک شعورینه جیقاریلدقن صوکرا خسته نک اسکی حالت روحیه سی تماماً انحلال ایده رک برینه نورمال بر حالت روحیه تعضو ایتکده و حقیقی اهتدا حادثه لرنده ده عینی حال کندیلکندن واقع اولفده در . هبمزده درین بر معنویت اساساً موجود اولدیفندن بونی او یاندیرمق اولاشعوره جیقارمغه متوقفدر ، بونی ده آنجق قبله [۱] « آلفرهد آدلر » مجموعه مزه یازمق وعدنده بولمدر .

ده کیشدیرمه و درینشدرمه سنی بیلن **جهانی هکیم** یابه بیلیر . بوندن صوکراسنی ده کزیده لر تماملار . بالکز بونک ایچون علمده کی اصوللردن باشقه اصولر لازمدر . حکمت ، دیگر بر وجهه دن ملاحظه ایدیلرکی تقدیرده بر سحر ملکه سی یعنی حیاتک روح واسطه سیله دوغروون دوغرویه ده کیشدیرمه . سیدر . بوسبدن بهمه حال سحری اصوللرله تعلیم او . لونه بیلیر . بوندن مقصد روح و ذهنک مختار فعالیتدر . بونک ایچوندی (قونفوجیوس) شو سوزلری اعتیاد ایتشدی : « کندینی زحمته صوقایانلری ارشاد ایتم مراعی بولق ایچون اوغراشایانلره مراعی تودیع ایتم . کوستردیکم بر صورت حلی دیگر اوج امثاله تطبیق ایتمه سنی بیلیمه یلره هیچ بر شی تکرار ایتم » بوبوک چین حکیمی « ده کیشمکه کونوره جک بولک مختار بر روح و ذهن فعالیت اولدیفنی بو سوزلرله ایما ایدر . فی الحقیقه انسانلره آلم » اولاندن فضله سنی اصلا سوبله مه ملی و بوندن صوکرا بر اقالی کی کیدیلرک بوله کندیلری وارستلر . نیته کیم بر شعری دیگر بر سورو یازیلردن آیران شی اونک هر شی سوبله مه مسندن و مبتدل بر نظامده بولونامسندن دکلیدر ؟ طبق بونک کی جانلی بر تأثیرده هر شیدن اول سوزله سکوت آراسنده الک یرنده اولان بر نسبتی بولقدن جیقار . انسانه جانلی بر اضطرار آشیلماق ایستین کیسه معنایه نه مخاطبک حافظه سینه بوجالیده جک کی ایضاحات و برمه لی ، نه ده حکیمک تلقینی تأثیرلری ضعیفلا نه جق قادر اعتراضلری مناقشه ایتلی . چونکه بو کیدیش کلامده کی ده کیشدیریمجیلک اقتدارینی قایب ایتدیرر . اساساً دوغورتمق باشقه ، عالمانه بر مناقشه باشقه در . عملی و معین بر غایه استهداف ایدنلر ایچون مناقشه دائما قیمتسزدر . زیرا بو کیلرک هدفی بر غایه یه ایریشمک اولدیفندن بالنظر به کیمک حقلی و کیمک حصص اولدینی یک اهمیتلی دکلدر . نیته کیم یک حکیم اولان انگلیز پولتیقه سنک دستور حرکتی (ائتلاف ایتک) برینه « نه مراعی ، نه ده معذرتی سوبله مکدر » . ایضاح ایتیه بوبده بالکز توتر حاله تحمل ایده نلر ، کافی درجه ده محکم و یوکسک ایشه لر کنیدی حاللری تلقین طریقیه بهمه حال آشیلارلر . بونک ایچوندی که حکیملر تام صیره سنده سوبله نوب کچلمش سوزک بیک کره تکرار ایدیلش بر سوزدن اکثریا ده مؤثر اولدیفنی بالتجربه بیلدکلرندن الک جوق اهمیت و بر دکلری بر شی اوزرنده اصرار ایتلر ؛ حتی عینی سبله بر بومبا تأثیری یابه جق بارادوقسلر : paradoxes قوللانیرلر .

معنویتدن نمان ایتش بر انتباهک اساس اعتباریه ناصیل حصوله کله بیلرک کنی قیسه و واضح بر قاچ جمله ایله بر ده خلاصه ایدم : زمانم ، حالت روحیه اعتباریه ده کیشمکه یعنی حالده کیشدیرمکه محتاجدر . بونک ایچون آرتق نه یکی نظریه و اعتقادلر ، نه ده کائنات قدرتلرینک یکی طرز حللری بر فائده و بر ضرر . بو سفر دنیایی یکی بر مسیح ده قورتاره جق دکلدر . ترقی آنجق مسئولیتی مدرک مثبت روحک ، فعالیتی آرندرمش حریت و حسک اثریدر . بونک خارچنده

«سنبولیزم» ك قیمتلری

علی جانب بك (حیات) ك دوقوزنجی نسخه .
سندھ فرانسز ادبیاتك صوك مرحله سنی تشكیل
ایدن «سنبولیزم» دن قیصه بر مقاله ده بحث وصنعتك
همان هر ساحه سندھ تأثیراتی كوندن كونه دها
زیاده حس استدیرون بو جدا متكمل بدیمه بسیط
بر مبدأ وسطی بر ماهیت عطف اتمشدی .
او مقاله ك اكسیك بولدیغز بعض نقطه لرخی اكال
مقصیدله بو سطرلری یازیورم .

علی جانب بك مقاله سنك بر جوق یرلرنده
(سنبولیزم) حفته تدقیقاتی یامق ایچون مراجعت
ایتدیکی باشلیجه منبعلك روحیاتجی (ریبو) ایله علم
شارلاتانی ماقس نورداد اولدیغی خبر وریور .
عالم (ماقس نورداد) ك لابور اتوارده مهم بر كشی
اولوب اولمادیغی بیلدیورز . فقط بو آدمك بوتون
علمی فرانسزلك ادبیات وصنعت محصولاتی باشند
باشه بر تردی اثری اولدیغی كوسترمك ایچون
زحمت ایدوب یازدینی ایکی جلدك سفسطه دن عبارت ایه

هیچ برعامل ، قبول ویا پرستش ایدیش هیچ بر
معبود نظریه سی بو كونکی فردلك اوموزلرنده کی
یوکی ذره قادار اكسیلته مز . بوندن بویه هر كس
كندی كندی سنك منجیسی اولغه مجبوردر . آرتق ،
« نه اولاجق ! » یاخود « نه یامه لی ؟ » دیمك پاره اتمز .
هر حال وكارده یالسكز « نه یامالی م ؟ » دیمك ایجاب
ایدیور . حتی استقباده کی ترقی بو یوك شخصیتلك
اثرلری ایه بوونلر كوروله مش بر اهمیت قازانسه لر
بیله « نه یامالی م ! » مسئله سی هر فردك كندی
كندیسنه حل اتمه سی لازمدر . كرچكدن بو یوك
آدملك باشه كچه بیلمه لری ایچون معنوی قبله لرخی
دوغرو تعیین اتمش بر اقلیت همه حال ایستر . معنا
دیدیکم شی ، اولش یتمش لایتبدل بر حقیقت اولمابوب
روحك موقعلره تماس ایتدیکی نقطه یعنی حیات
ایله ذكانك بربرلریله قایناشدینی یردر . انسانك
سویه سنی بوقایناشه افعوله سنك درجه ودرینكلی
تعیین ایددر . كوچوك بو یوك همیز ذكامزی آرتق
بو طرزده ایشلتكه محتاجز . بیلیمك معنا ثابت بر
حقیقت دكل ، متحرك ، كثیر و آنجق ده كیشه رك
امتداد ایددر . بونی مادیا ادراك ایتكده دركه صبرورتك
ایچنه كوك صالینیر واونكده برلكده تكون
ایدیلیر . عكس تقدیرده بوتون بیلگیلر مز مجرد
و آقیری قلاجقدر . « دوغان دنیا » ، مجرد بیلکی
یرینه جانلی بر آكلامه ایستیور . بوده شأینتلره
برابر بورومكده اولور . بونك ایچوندركه زمانز ،
منبعی مجرد بر فلسفه یرینه عملی و حیاتی متبعی
بر حكمت : sageesse آریور .

مصطفی شکیب

جدی بر بختده استغنی اوكه سورمكدن صاقینمه لی .
زیرا بو آدمك اشارت ایتدیكمز كتابی نه علم نه ده
ادبیات عانده احتجاجه یارار بروبقه ماهیتی هیچ
بر زمان آله مامشدر . اساساً صنعت جریانلریك
ماهیتی ایچون علم آدملریك كوروشنی واسطه
اوله رق قوللانق بر خطادر .

مراجعت ایتدیکی منبعلك تأثیری آلتنده قالان
علی جانب بك موضوعه علمی بر باقیشله باقهرق
(سنبولیزم) ی اعضاسی تام بر سیستم حالده
كورمش و بو سیستمك آنا خطرلری اوزون اوزون
ایضاح ایتشدر . بو ، (سنبولیزم) ه ایسته مه دیکی بر
پایه یی ویرمكدر . زیرا (سنبولیزم) ك متبلر بر پرو
غرامی یوقدی . شو سبدنكه (سنبولیزم) دیه ادبی
واسع بر تعضو ، دیگر بوتون ادبی مسلكلر ایچون
دینله بیله جکی کی ، دنیا اوزرنده هیچ بر زمان موجود
اولمامشدر .

..

بوندن قرق ، قرق بش سنه اول بر طاقم
فرانسز و فرانسز حرثه تمثیل اتمش اجنبی كنجلر
اوزون صاچلری « دها » نك آلنلریه صارقش
جوشان بر علامتی صانه رق درمه چامه شعرلری
وكولونج جساتلریله دنیایی اصلاح وجنس بشره
یكی سعادتلر بخش ایتك ادعاسیله اورتیه جقمشدری .
سیاه وچیلقین صاچ كومه لرینه دوشوندیریجی بیاض
تللك قاریشمه باشلادینی كونه قدر پارسك طلبه
مخله سی ، قورقونج ولرزان بر معماری کی سماره
یوكسلن عقیم بر طاقم خیالاته صحنه اولشدی .

مخاصم مطبوعات بوغریب سوروی (نه وروپانلر)
(ده قادنلر) ، (سنبولیستلر) کی اسملر آلتنده
برلشمش كوستریوردی . فقط ، بر آغاجك یاپراقلری
کی موسم نهایتنده صاراران ، قورویان و طوپراقله
دوشوب خزان روزكارلریك كوتوردیکی سیلی
استقامتلرده غائب اولان بو كنجلكك حقیقتده برلشدیکی
یكانه نقطه او سنه لرده یاشایان (ستفان مالارمه)
اسمنده کی اسرار انكیز شاعره تعبدلریدی . بناء علیه
(سنبولیزم) دیمك ، ۱۸۴۸ سنه سندھ امثالسز بر
رویت خاصه سیله محمول كوزلری دنیا به قاپایان بو یوك
برانسانك شعر حفته کی خصوصی طرز تلقیسی دیمكدر .
انسان حاققتك كیجه سی ایچنده بارلایان بومنفرد
وغریب آتشك شعله سی اطرافنده اوچوشان قیمتسز
پروانه لری ده بو اسمك شمولی دائره سنه قبول ایتك
لازم كلسه (سنبولیزم) . بری برینی طوتماز نیجه
معنالر ویرمك لازم كله جك !

..

ستفان مالارمه نه ایسته مشدی و نه یامشدی ؟
« مالارمه » آلمان فیلسوفی « ههكل » ك مافوق
الطبیعه بدیعندن ملهم اوله رق كاشاك حقیقی موجو
داتی « فكرلر » اولدیغه ومادی عالمك بوتون تجلیات
، اشكالی ، معنایه ظرف اولان كله لر کی ، فكرلرك
برر رمز و اشارتی اولدیغه قانعدی . فكرلر مجرد
اولدیغیچون زوال ناپذیردر . فنا بولان و دكیشه ن
آنجق اشارتلر یعنی تمثالردر .

بناء علیه مقصد و غایه سی تمثالی تعریف وتصویردن
عبارت اولان (ره آلیست) بر صنعت واهی بر مشغله در .
زیرا بویه بر صنعتك موضوعی موقت و بیقراردر .
مثال ، اشارتی اولدینی فكره ارجاع ایدیلك صورتله
قوللانمده آله آلمغه لایق اولمایان بوش بر قالبدن
باشقه بر شی دكلدر .

« ستفان مالارمه » ، بو اعتبارله ، « شعر » ایله
« دین » ك عین جنسندن اولدیلریه قانعدی . بوتون
دینلرده عبادت مراسمی ، قوقولر ، رنكلر و آهنكلر
ابدی بر فكرك موقت برر تمثالندن عبارت دكلیدر ؟
اساساً منظوم سوز مبادیده منحصرأ دینی ابدی .
كاهنلر ، كسیك بر نفسك تحید ایتدیکی جمله لر و تكرر
ایده ن آهنكلره ، منبج خلقه غائبدن آلدقاری خبرلری
بیله یرلردی . هر دینده (مقدس كتاب) ك منظوم
ویا شبه منظوم اولوشی منظوم سوزك دینی منشی
حفته شبه بر اقیور .

مالارمه بو اساسلری وضع ایتدكدن مكره
شرك وشاهر ك ماهیت و خصوصیتلری شو صورتله
تعیین ایدیور : شعر آهنك و تمثال ایله ابدی بر
فكری افاده ایدن بر نغمه در . بناء علیه « شعر »
یالكز درونی بر تهیجك محصولی اولان منظومه لره
ویریه بیلیر . تصویر ، تعریف ، تعلیم و خطابت شعرلری
آنجق نثر ك برر متردی شكلیدر . زمانك وقایعی
قید ایتكده موظف اولان محرره هیچ بر قرابتی
اولمایان شاعر زمان و مكان خارجنده در . شاعرلر
انسانلر آراسنده عادتاروحانی بر كوچوك زمهره تشكیل
ایدرلر . بو لادینی متصوفلك و طیفه سی قونوشمه
لساندن آلنه رق قدسی بر استحالیه اوغرا تلمش
خصوصی و ممتاز بر لهجه یله بشرك خولیا والنی
موقت عناصرندن تجرید ایتدكده نصكره ابدی بر آهنك
حالده سماره یوكسلتمكدر .

..

« مالارمه » نك سنبولیستلکی احتمال « ههكل »
و « فیخته » نك بدیی سیستملری شو آكلاندیغمز
طرزده نغمه مش اوله سندندر . مع مافیه مالارمه
تمثاله ویردیکی قیمت اعتباریله یكی بر صنعت دستوری
اورته به آتمش دكلدر . بوتون ، مصر ، فنیكه ،
یونان صنعتلری ، بوتون شرق وغرب شعری مالارمه دن
عصرلرجه اول « تمثالی » اولشدر . بناء علیه مالارمه نك
فرانسز شعرینه كتیردیکی امثالسز جاذبه نك طادینی
فكرلریله دكل ، شعرلریك دلالتله آكلامغه چالیشمالی بز .
مالارمه دن اول شعرك مخاطبی قارمك ذكاسی
ایدی . مالارمه بوكا قارمك روح واعصابی اقامه
ایتدی . تخته بر لوحه کی آنجق قوتلی بر ووروشله
سس چیقاران ذكایه قیاساً روح اینجه تللردن یاپلمش
هوائی بر ربابدر . شعرك هدفی روح اولونجه بلاغتك
بوتون كورولتوجی كهنه مالزمه سی اعتباردن دوشدی .
قوتلی سسلره كسکین رنكلره و كورله نیجی ضیالره
لزوم قالمدی ؛ شعر بر آقشام منظره سی کی اوزاق
عكسلر ، سلیك شكللر ، بایقین رنكلره دولدی و طاطلی
بر آلاجه لغك استیلاسی آلتنده قالدی . « كله لر » ، مالارمه نك